



## LEMBAGA JURUUKUR BAHAN MALAYSIA

### SURAT PEKELILING BIL. 4/99

Y.Bhg. Dato'/Tuan/Puan,

#### **COMPULSORY CONTINUING PROFESSIONAL DEVELOPMENT (CPD) UNTUK JURUUKUR BAHAN BERDAFTAR**

---

Akta Pendaftaran Juruukur Bahan 1967 kini sedang dipinda dan salah satu pindaan tersebut adalah untuk memperkenalkan satu peruntukan bagi melaksanakan *Compulsory CPD* sebagai satu syarat bagi pembaharuan pendaftaran kedua-dua Juruukur Bahan Berdaftar dan Juruukur Bahan Berdaftar Sementara.

Lembaga Juruukur Bahan Malaysia (LJBM) di dalam mesyuaratnya yang diadakan pada 16 Oktober 1999 telah memutuskan untuk mengenakan *Compulsory CPD* untuk semua Juruukur Bahan yang berdaftar dengan LJBM sebagai syarat untuk pembaharuan pendaftaran **berkuatkuasa mulai dari 1 Januari 2002.**

Mulai dari tahun 2001, semua Juruukur Bahan hendaklah menyertai dan menyimpan rekod mengenai penyertaan mereka di dalam program-program *Compulsory Continuing Professional Development* untuk membolehkan mereka memperbaharui pendaftaran mereka. Mulai tahun 2002, semua pembaharuan pendaftaran dengan Lembaga mesti mengandungi bukti bahawa mereka telah mengambil bahagian dan mengumpul sekurang-kurangnya sepuluh (10) jam kredit *CPD* pada tahun sebelumnya. Kegagalan mematuhi keperluan syarat minima ini akan mengakibatkan permohonan pembaharuan pendaftaran ditolak.

Keperluan *Compulsory CPD* bagi Juruukur Bahan Berdaftar akan dilaksanakan oleh Jawatankuasa Bersama *Compulsory CPD* LJBM/ISM.

Sebagai pengenalan kepada program *CPD* ini, Lembaga telah membenarkan Juruukur Bahan Berdaftar untuk mengumpul jam kredit *CPD* mereka dalam tahun 2000 dan 2001 bagi pembaharuan pendaftaran tahun 2002. Sehubungan dengan itu, perlancaran *Compulsory CPD* akan diadakan dalam bulan Januari tahun 2000. Semua Juruukur Bahan Berdaftar dinasihatkan untuk mengambil bahagian secara aktif di dalam program-program *Compulsory CPD* demi untuk melengkap dan mengemaskini diri dengan pengetahuan dan pembangunan yang terkini di dalam profesion Ukur Bahan.

Tarikh dan tempat pelancaran *Compulsory CPD* akan diberitahu kemudian. Juruukur Bahan Berdaftar boleh menghubungi Urusetia Lembaga di Tel: 03-4407999 atau Fax: 03-2925680 atau E-mail: [ljbm@tm.net.my](mailto:ljbm@tm.net.my) untuk maklumat lanjut mengenai *Compulsory Continuing Professional Development*.

Garis Panduan dan Peraturan bagi *Compulsory Continuing Professional Development* untuk Juruukur Bahan Berdaftar akan dipaparkan di dalam web-site Lembaga di alamat <http://www.jkr.gov.my/ljbm> dalam bulan Januari 2000. Juruukur Bahan Berdaftar juga boleh memperolehi sesalinan Garis Panduan dan Peraturan tersebut dari Urusetia LJBm atau ISM dengan harga yang 'nominal'.

Dengan Perintah Lembaga,



Tan Kim Lian  
Pendaftar  
Lembaga Juruukur Bahan Malaysia

6 Disember 1999